

Realizovani projekti

TEMPUS

Naziv projekta: **Testiranje nastavnog plana i programa na Fakultetu sporta i tjelesnog odgoja Sarajevo**

Cilj projekta:

Testiranje nastavnog plana i programa i usklađivanje novog studijskog programa i ECTS sistema bodovanja na Bakaleurat/Master studijskom programu, kako je i predviđeno usvajanjem Bolonjskog procesa na Fakultetu sporta i tjelesnog odgoja. Ova inicijativa predstavlja prvi korak uspostavljanja reformi studijskih programa na fakultetima sporta i tjelesnog odgoja u BiH, podržano od strane Ministarstva civilnih poslova.

Opis projekta:

TEMPUS projekat Evropske Unije „Testiranje nastavnog plana i programa na Fakultetu sporta i tjelesnog odgoja Sarajevo“. Ovaj Tempus projekat je razvijen u bliskoj saradnji sa Fakultetom sporta Univerziteta u Ljubljani i Ministarstvom civilnih poslova BiH

Za razliku od većine univerziteta središnje i istočne Evrope, proces tranzicije ka liberalnoj demokratiji i tržišnoj ekonomiji je samo jedan od izazova sa kojim se suočavaju bosanskohercegovački univerziteti. Fakultet sporta i tjelesnog odgoja Univerziteta u Sarajevu je javna ustanova koja obavlja djelatnost visokog obrazovanja u oblasti sporta i tjelesnog odgoja i nauke. Status sporta u oblasti nauke i tjelesnog odgoja na Fakultetu sporta u Sarajevu ukazuje na potrebe uvođenja reformi kako bi se dodatno promovirala edukacija, saradnja i integracija bosanskohercegovačkog sporta u procesu približavanja Evropskoj Uniji. Najznačajniji cilj reforme obrazovanja je uspostavljanje samoodrživog, depolitiziranog obrazovnog sistema u Bosni i Hercegovini, te uspostavljanje punopravnog sistema koji će biti jednak za sve. To uključuje unapređenje kvalitete nastave i učenja na univerzitetima putem unapređenja samog studijskog programa, te uspostavljanje nepristrasnog, isplativog, odgovornog i samodrživog sportskog obrazovnog sistema u BiH. Ovaj Tempus projekat ima za cilj da unaprijedi studijski program Fakulteta sporta i tjelesnog odgoja Univerziteta u Sarajevu prema Bolonjskoj deklaraciji, što je i jedan od prioriteta Fakulteta sporta i tjelesnog odgoja, Sarajevo.

Ukoliko sagledamo ovaj Tempus projekat sa aspekta reforme opšteg obrazovanja, njegova implementacija će obezbijediti razmjenu informacija, uvesti diskusije i konsultacije sa nadležnim radnim grupama i tijelima u sklopu reforme visokog obrazovanja, te također unaprijediti saradnju sa drugim Fakultetima sporta, kako u Bosni i Hercegovini tako i u zemljama Evropske Unije.

Korisnici/partneri projekta:

Fakultet sporta i tjelesnog odgoja, Univerzitet u Sarajevu

WUS Austria

Fakultet sporta, Univerzitet u Ljubljani

Ministarstvo civilnih poslova BiH



Projekat finansira Evropska komisija

Program: **TEMPUS**

Trajanje: **12 mjeseci**